

**Bilim va malakalarni baholash agentligi tomonidan
2024 yil 12 oy davomida o'tkazilgan test sinovlari to'g'risida**

MA'LUMOT

2024 yil 12 oy davomida Agentlik tomonidan **49 turdagi** test sinovi o'tkazildi va ularda **1 563 972 nafardan ortiq** talabgor ishtirok etdi (*jadval*).

Jumladan:

I. Test topshiriqlari bazasini shakllantirish bo'yicha:

15 ta umumta'lim fanidan **103 146 ta**, **110 ta** maxsus fandan **34 226 ta** va milliy sertifikat berish uchun **9 ta** umumta'lim fanidan (matematika, fizika, kimyo, biologiya) **1 485 ta** test topshirig'i shakllantirildi va ekspertizadan o'tkazildi.

II. Umumta'lim fanlarini bilish darajasini baholashning milliy test tizimi bo'yicha:

9 ta umumta'lim fani (biologiya, kimyo, matematika, fizika, tarix, geografiya, ona tili va adabiyot, rus tili va adabiyot hamda qoraqalpoq tili va adabiyot)dan milliy sertifikat berish bo'yicha **136 056 nafar** talabgor uchun test sinovlari o'tkazildi.

Test sinovi natijalariga ko'ra sertifikat talabini bajargan **90 170 nafar** talabgorga umumta'lim fanini bilish darajasi bo'yicha milliy sertifikat berildi.

III. Chet tilini bilish darajasini aniqlash bo'yicha:

15 ta (ingliz, nemis, fransuz, turk, arab, yapon, xitoy, koreys, hindiy, fors, italyan, ispan, pushtu, urdu, dari) chet tilidan **4 ta** ko'nikma bo'yicha **241 572 nafar** talabgorning chet tilini bilish darajasi baholash uchun ro'yxatdan o'tdi. Shundan **235 398 nafar** talabgorning chet tilini bilish darajasi baholandi.

Test sinovi natijalariga ko'ra sertifikat talabini bajargan **168855 nafar** talabgorga chet tilini bilish darajasi bo'yicha milliy sertifikat taqdim etildi. Shundan **92 568 nafariga B1**, **70 027 nafariga B2**, **6 260 nafariga C1** darajadagi sertifikatlar berildi.

Shuningdek, chet tilini bilish darajasini baholash imtihonlaridagi ochiq turdagi testlarni tekshirishni onlayn tarzda amalga oshirish yo'lga qo'yildi.

Agentlik tomonidan ingliz tili bo'yicha taqdim etilayotgan milliy sertifikat Turkiyaning **4 ta** universiteti (Kipr Fanlar Universiteti, Istinye Universiteti, Antalya Bilim Universiteti, Beykoz Universiteti) tomonidan tan olindi.

IV. Rahbar kadrlar hamda mas'ul lavozimlarga tayinlanadigan shaxslarning davlat tilini bilish darajasini aniqlash bo'yicha:

Rahbar kadrlar va mas'ul lavozimlarga tayinlanadigan shaxslarning davlat tilini bilish darajasini aniqlash bo'yicha **1029 nafar** talabgor test sinovidan o'tkazildi va test sinovi natijalariga ko'ra jami **876 nafar** talabgorga elektron shaklda sertifikat taqdim etilgan.

V. Xorijiy davlatda ta'lim olganlik haqidagi hujjatlarni tan olish hamda ta'lim va fan sohasiga oid tashkilotlardan chiqadigan hujjatlarga apostil qo'yish:

A) 2024 yilning o'tgan davri mobaynida xorijiy davlatlarda ta'lim olganlik haqidagi hujjatlarni tan olish bo'yicha **7 525 ta** murojaat ko'rib chiqildi. Xorijiy davlatlarda ta'lim olganlik haqidagi hujjatlarni tan olish bo'yicha **21 ta** test sinovlari tashkil etilib, unda **3954 nafar** talabgor ishtirok etishi ta'minlandi. Test sinovlarini tashkil etish maqsadida bakalavriat ta'lim yo'nalishlari hamda magistratura mutaxassisilari bo'yicha **387 ta** mutaxassislik fanlaridan **33 000 dan** ortiq test topshiriqlari bazasi shakllantirildi.

Ekspert komissiyalarining ijobiy xuloasasiga ega bo'lgan **2713 nafar** (shundan, **409 nafari** test sinovi natijalariga asosan, **2304 nafari test sinovlarisiz to'g'ridan to'g'ri**) talabgorlarning hujjati tan olinib, talabgorlarga tegishli guvohnomalar taqdim etildi.

B) 2024 yilning o'tgan davri mobaynida ta'lim va fan sohasiga oid tashkilotlardan chiqqan hujjatlarga apostil qo'yish bo'yicha **23 192 ta** murojaat kelib tushgan. Murojaatlarni ko'rib chiqish natijalariga ko'ra **22 459 ta** hujjatga apostil berilishi ta'minlandi. Shuningdek, tegishli talablarga javob bermagani sababli **459 ta** hujjatga apostil berish rad etilgan.

VI. O'tkazilgan boshqa tadbirlar:

Qurilish va uy-joy kommunal xo'jaligi vazirligi huzuridagi Kompetensiyani rivojlantirish instituti tinglovchilari uchun **4090 nafar** talabgor uchun test sinovlari o'tkazildi;

O'zbekiston Respublikasi Prezidentining davlat stipendiyalariga talabgor tayanch doktorantlar uchun **79 nafar** talabgorga test sinovlari o'tkazildi;

O'zbekistondagi davlat oliy ta'lim muassasalarining ikkinchi bosqich qo'shma ta'lim dasturlarida o'qitish olib boriladigan chet tili bo'yicha **5139 nafar** talabgor uchun test sinovlari o'tkazildi;

Muddatli harbiy xizmatni o'tayotgan harbiy xizmatchilarning jangovar va ma'naviy-ma'rifiy tayyorgarligini aniqlash bo'yicha **24367 nafar** talabgor uchun test sinovlari o'tkazildi;

Biznes va tadbirkorlik oliy maktabining magistratura mutaxassisligiga o'qishga qabul qilish bo'yicha **1021 nafar** talabgor uchun test sinovlari o'tkazildi;

Maktabgacha va maktab ta'limi vaziri jamg'armasi hisobidan to'lanadigan har oylik ustamalarga nomzodlarning umumta'lim fanlari bo'yicha bilim darajasini baholash uchun **3892 nafar** talabgorga test sinovlari o'tkazildi;

O'zbekiston Respublikasi Davlat xavfsizlik xizmati xodimlarining farzandlaridan Xitoy Xalq Respublikasining oliy ta'lim muassasalarida ta'lim olish uchun nomzodlarni tanlab olish bo'yicha **104 nafar** nomzod uchun test sinovlari o'tkazildi;

Bank-moliya akademiyasining magistratura mutaxassisligiga o'qishga qabul qilish bo'yicha **7705 nafar** talabgor uchun test sinovlari o'tkazildi;

Tibbiyot oliy ta'lim muassasalarining "Davolash ishi" ta'lim yo'nalishi 6-bosqich talabalarining endokrinologiya va onkologiya fanlari bo'yicha bilim

darajasini baholash uchun **1914 nafar** talabaga test sinovlari o'tkazildi;

Oliy ta'lim muassasalariga o'qishga kirish uchun o'tkaziladigan test sinovlarida foydalaniladigan test topshiriqlarini aprobeasiyadan o'tkazish bo'yicha **17580 nafar** talabgorga test sinovlari o'tkazildi;

Akademik liseylarga o'quvchilarni qabul qilishda ularning intellektual qobiliyat darajasini aniqlash uchun tuzilgan test topshiriqlarini aprobeasiyadan o'tkazish bo'yicha **440 nafar** talabgorga test sinovlari o'tkazildi;

2024/2025-o'quv yilida ta'lim muassasalariga o'qishga qabul qilish test sinovlariga jalb etiladigan guruh nazoratchiligiga nomzodlar uchun o'quv-seminar mashg'ulotlari bo'yicha **6513 nafar** talabgorga test sinovlari o'tkazildi;

Pedagogik oliy ta'lim muassasalarining "Boshlang'ich ta'lim" va "Biologiya" ta'lim yo'nalishi 3-bosqich talabalarining bilim darajasini baholash bo'yicha **1430 nafar** talabaga test sinovlari o'tkazildi;

Huquqshunoslik fanini bilish darajasini aniqlash va sertifikat berish uchun o'tkazilgan test topshiriqlarini aprobeasiyadan o'tkazish bo'yicha **2000 nafar** talabgorga test sinovlari o'tkazildi;

Ichki ishlar organlari profilaktika (katta) inspektorlari uchun **539 nafar** nomzodga test sinovlari o'tkazildi;

Nodavlat ta'lim muassasalarining "Boshlang'ich ta'lim" ta'lim yo'nalishi talabalarining bilim darajasini baholash bo'yicha **1368 nafar** talabaga test sinovlari o'tkazildi;

O'zbekiston Respublikasi Huquqni muhofaza qilish akademiyasining bakalavriat ta'lim yo'nalishiga o'qishga qabul qilish bo'yicha maxsus psixologik tanlov va yozma imtihoni (diktant) **2633 nafar** talabgorga test sinovlari o'tkazildi;

Toshkent shahridagi Puchon universiteti abituriendlari uchun **461 nafar** talabgorga test sinovlari o'tkazildi;

O'zbekiston Respublikasi Qurolli Kuchlari Harbiy tibbiyot akademiyasi bakalavriat ta'lim yo'nalishiga o'qishga qabul bo'yicha **62 nafar** nomzodga test sinovlari o'tkazildi;

O'zbekiston Respublikasi Qurolli Kuchlari akademiyasining "Psixologiya (Harbiy psixologiya)" ta'lim yo'nalishiga o'qishga qabul bo'yicha **41 nafar** nomzodga test sinovlari o'tkazildi;

Axborot-kommunikasiya texnologiyalari va aloqa-harbiy institutining bakalavriat ta'lim yo'nalishiga o'qishga qabul qilish bo'yicha **542 nafar** nomzodga test sinovlari o'tkazildi;

Prezident maktablariga o'qishga qabul qilish bo'yicha I bosqich test sinovlarida **56985 nafar** o'quvchi ishtirok etdi;

Respublika oliy ta'lim muassasalari akademik liseylariga o'qishga qabul bo'yicha o'tkazilgan test sinovlarida **44359 nafar** o'quvchi ishtirok etdi;

Ichki ishlar vazirligi tasarrufidagi akademik liseylariga o'qishga qabul qilish bo'yicha o'tkazilgan test sinovlarida **8442 nafar** o'quvchi ishtirok etdi;

Ichki ishlar vazirligining ixtisoslashtirilgan maktab-internatiga o'qishga qabul qilish bo'yicha o'tkazilgan test sinovlarida **352 nafar** o'quvchi ishtirok etdi;

Toshkent davlat yuridik universiteti qoshidagi akademik liseylarga o'qishga qabul qilish bo'yicha o'tkazilgan test sinovlarida **4250 nafar** o'quvchi ishtirok etdi;

“Temurbeklar maktabi”, “Yosh chegarachilar”, Jaloliddin Manguberdi nomidagi harbiy-akademik liseylariga o‘qishga kirish uchun o‘tkazilgan test sinovlarida **5677 nafar** o‘quvchi ishtirok etdi;

“El-yurt umidi“ jamg‘armasi Vasiylik kengashining 2024 yil 21 iyundagi 2 son qarorida belgilangan vazifalar ijrosini ta'minlash maqsadida **1176 nafar** nomzodga test sinovlari o‘tkazildi;

Jamoat xavfsizligi universitetining magistratura mutaxassisliklariga o‘qishga qabul bo‘yicha **76 nafar** nomzodga test sinovlari o‘tkazildi;

O‘zbekiston Respublikasi Huquqni muhofaza qilish akademiyasi “6042010-Yurisprudensiya (prokurorlik faoliyati)” ta'lim yo‘nalishiga o‘qishga qabul qilish bo‘yicha **372 nafar** nomzodga test sinovlari o‘tkazildi;

Sudyalar oliy maktabiga magistratura mutaxassisliklariga o‘qishga qabul bo‘yicha **521 nafar** nomzodga test sinovlari o‘tkazildi;

O‘zbekiston Respublikasi Huquqni muhofaza qilish akademiyasining magistratura mutaxassisliklariga o‘qishga qabul qilish bo‘yicha **366 nafar** nomzodga test sinovlari o‘tkazildi;

2024/2025 o‘quv yilida xorijiy oliy ta'lim muassasalaridan mahalliy oliy ta'lim muassasalariga o‘qishini ko‘chirish bo‘yicha **43882 nafar** talabaga test sinovlari o‘tkazildi;

O‘zbekiston Respublikasi Prezidentining sovrini uchun “Xorijiy tillarni o‘qitish bo‘yicha eng yaxshi maktab” tanlovini respublika bosqichi imtihonining tinglab tushunish, o‘qish, yozish va gapirish ko‘nikmasi bo‘limlari bo‘yicha **70 nafar** talabgor bilimini ingliz va nemis tillaridan baholash sinovlari o‘tkazildi;

2024/2025-o‘quv yilida ikkinchi va undan keyingi oliy ta'lim uchun o‘qishga qabul qilish bo‘yicha **13192 nafar** talabgorga test sinovlari o‘tkazildi;

Favqulodda vaziyatlar vazirligi Fuqaro muhofazasi institutining magistratura mutaxassisliklariga o‘qishga qabul bo‘yicha **78 nafar** nomzodga test sinovlari o‘tkazildi;

Toshkent shahrida Vebster universitetining ta'lim dasturlarini amalga oshirish markaziga davlat buyurtmasi asosida o‘qishga qabul qilish uchun **132 nafar** talabgorga test sinovlari o‘tkazildi;

Imkoniyati cheklangan (ko‘zi ojiz va zaif ko‘ruvchi) shaxslar uchun ishlab chiqilgan maxsus imtixon formatining aprotasiyasida **168 nafar** talabgorga test sinovlari o‘tkazildi;

O‘zbekiston Respublikasi Davlat xavfsizlik xizmati akademiyasi bakalavriatiga o‘qishga qabul qilish uchun **3564 nafar** talabgorga test sinovlari o‘tkazildi;

Navoiy innovasiyalar universitetiga qabul qilingan 1-kurs talabalarini grant asosida o‘qishga qabul qilish yuzasidan **591 nafar** talabgorga test sinovlari o‘tkazildi;

Ichki ishlar organlariga ishga kiruvchi nomzodlar uchun O‘zbekistonning eng yangi tarixi, huquqshunoslik va tarbiya fanlari bo‘yicha **332 nafar** talabgorga test sinovlari o‘tkazildi;

O‘zbekiston Respublikasi Prezidentining davlat stipendiyalariga nomzodlar (bakalavr va magistr) uchun **241 nafar** talabgorga test sinovlari o‘tkazildi;

Joylarda aholi muammolarini hal etishda mahallabay ishlashga mas'ul bo'lgan tuman (shahar)lardagi sektor rahbarlari-hokim, prokuror, ichki ishlar bo'limi hamda soliq inspeksiya boshliqlari uchun o'quv-amaliy seminar yakuni bo'yicha **832 nafar** talabgorga test sinovlari o'tkazildi;

Tuman (shahar)lar hokimlari o'rinbosarlari, tashkiliy-kadrlar guruhi rahbarlari hamda milliy kadrlar zaxirasiga kiritilgan nomzodlar uchun o'quv-amaliy seminar yakuni bo'yicha **2586 nafar** talabgorga test sinovlari o'tkazildi;

Turizm salohiyati yuqori bo'lgan hududlarda zamonaviy dam olish maskanlarini tashkil etish yuzasidan o'quv-amaliy seminar yakuni bo'yicha **36 nafar** talabgorga test sinovlari o'tkazildi.